



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. I. An, & qualiter excommunicatus impetrare possit rescriptum
Pontificium?

[urn:nbn:de:hbz:466:1-73031](#)

rem non habentis, in scripto datum, ad alterius suggestionem, aut petitionem. Horum tria sunt genera. 1. quæ dantur præter, vel contra jus commune, & vocantur propriè *privilegia* (de quibus lib. 5. tit. 33.) aut *dispensationes*. 2. quæ dantur ad lites, & vocantur *rescripta justitiae*. 3. quædam continent merum beneficium, ut si idoneæ personæ præbenda assignetur, & vocantur *rescripta gratiae*. V. Coninch, de Sacr. D. 33. d. 6. Postremum autem sit per literas, quibus vel illi jus tribuitur ad beneficium vacaturum, & dicitur *concessio gratia exspectativa*; vel mandatur Ordinario, aut alicui executori, ut Clerico, pro quo scribitur, de beneficio provideatur, & hæc dicuntur *mandata*; de horum formis vid. Azor p. 1. l. 5. c. 24.

1353. Rescriptum differt ab *Oraculo*, quod hoc sit responsum Principis viva voce datum, esto postea sit redactum in scripturam; ab epistola decretali, quod hæc non detur semper ad alicujus consultationem, seu petitionem; quamvis rescripto non obstat addi clausulam *motu proprio*, si antecferit petitio; Layman de rescript. n. 4.

1354. Præter hæc not. 1. Rescriptum aliud esse *generale*, quod obligat omnes Principi rescribenti subjectos; aliud *speciale*, quod datur ad certas solum personas, causas, negotia, locum, vel tempus, nec postea ulterius extensum est. Sitamen insertum sit juri communii, fortitur vim legis quoad talia; Layman in c. 1. de Constitut. n. 6. Secundò aliud esse *perpetuum*, quod nullum, vel indefinitum, vel indeterminatum tempus habet; aliud *temporale*, quod habet certum tempus præfinitum. Not. autem, quod ad rescripta perpetua revocentur *personalia*, quæ ad vitam hominis conceduntur.

1355. Not. 2. *rescriptum justitiae*, quod datur ad lites, esse ad jus explicandum, vel dicendum inter partes; *rescriptum autem gratiae*, ad obtinendum aliquod beneficium, vel gratiam; & vocari solet rescriptum *beneficiale*, si detur ad faciendas collationes, resignaciones, aut alias dispositiones de beneficijs Ecclesiasticis; & in civilibus ad dignitates, administrationes civiles &c. Si verò detur in ordine ad aliam gratiam v. g. quæ propriè non est privilegium (uti est dispensatio ad matrimonii-

um, vel suscipiendo ordines) dicitur *simplyciter rescriptum gratiae*.

Si autem dubitetur, an rescriptum sit gratiae, vel justitiae, præsumitur justitiae. Nam, allegans gratiam, probare debet; Pirthing, de rescriptis, n. 4. Si verò continet justitiam, & gratiam simul, dicitur rescriptum *mixtum*. Advertendum autem quædam rescripta Pontificia vocari *Brevia*, quo notantur rescripta paucis verbis conclusa, & signata sub annulo pisatoris in cera rubra. Nam *Bulla* sunt literæ Apostolicæ plumbeo signo munitæ, in quibus Romanorum Pontificum decreta continentur; quamvis alij per *Bullas* etiam intelligent diplomata, seu literas Magistratum patentes, sigillo publico, vel Principis authenticas.

ARTICULUS II.

Quis possit impetrare rescripta?

Communis regula tenet, quod possit **1355.** *omnis non prohibitus*. Quia verò potest aliquis quoad hoc esse prohibitus, ad impetrandum *pro se*, vel ad impetrandum *pro alio*; de utroque in præsenti casu dicendum erit. Inter prohibitos autem numeratur. 1. *hereticus*, L. 2. C. de Summa Trinit. ac ibid. Barbosa n. 5. deinde etiam *excommunicatus*, de quo §. seq.

§. I.

An, & qualiter excommunicatus impetrare possit rescriptum Pontificium?

Communis tenet, inter prohibitos impetrare rescriptum Apostolicum, seu Pontificium, numerari excommunicatum excommunicatione majori; c. *dictus 26. de rescriptis*, ubi de rescripto ab excommunicatis impetrato à Papa, Innocentius III. rescribit Episcopo Imolensi: *mandamus*, inquit, *quatenus, si ita est, literas ipsas, per veri suppressionem (nimirum omissionem mentionis de dicta censura) obtentas, viribus carere decernas*; imò tale rescriptum est nullum ipso jure, sicut & processus vi talis rescripti institutus, esto nihil ei fuerit oppositum; Zoëlius de rescript. n. 10. & habetur

habetur in c. 1. eod. in 6. ibi: *ipso jure rescriptum, vel processus per ipsum habitus non valeat: si ab excommunicato (super alio, quam excommunicationis, vel appellationis articulo) fuerit impetratum;* intellige, si agat coram Judice delegato, qui per tale rescriptum deberet accipere novum jus; & si fuit excommunicatus tempore impetrati rescripti; Pirhing, *de rescript. n. 7.* quod verum est, licet excommunicatione sit occulta; quia canon indefinitè loquitur, adeoque indefinite intelligendus est, de quolibet etiam rescripto, non excepto. Nam exceptio firmat regulam in omnibus alijs casibus non exceptis; Gloss. in cit. c. V. alio.

^{1359.} Hæc tamen communis regula suas patitur exceptiones. Hinc excipe. 1. nisi excommunicatus *occultus*, vi talis rescripti quædam ageret ratione officij publici v.g. Judicis delegati; quia tali casu jus supplet defectum arg. L. Barbarius, *ff. de offic. Praetor.* Excipe 2. nisi impetraret rescriptum *super causa sua excommunicationis*; ut, si dicat eam invalidam, injustam, &c. alias careret mediò necessariò ad suam defensionem, c. 1. b. t. in 6. ubi etiam dicitur, quod posset impetrare rescriptum *super articulo appellationis*, si à sententia Judicis appellavit, intellige *in causa propria*, etiam pendente causa appellationis; Barbosa in cit. c. 1. n. 25. & patet ex dictis ante: Excipe 3. nisi sit excommunicatus sub conditione, & impetraret rescriptum pendente conditione; ita Barbosa cit. n. 26. & 27. quia sic non est simpliciter excommunicatus.

^{1360.} Excipe 4. nisi excommunicatus impetraret rescriptum *non Apostolicum*, sed solum ab Episcopo, vel Prælatis Papâ inferioribus. Nam in odiosis rescriptum, simpliciter prolatum, supponit pro rescripto Papæ; Layman in c. 1. b. t. in 6. n. 4. Excipe 5. ut rescriptum solum *Pontificium*, non autem *seculare* (si ab excommunicato sit impetratum) ipso jure sit irritum; Layman in c. 1. de rescript. in 6. n. 4. nam constitutio irritans rescripta, ab excommunicato impetrata, est odiosa; & Principalibus laicis afferret incommodeum.

^{1361.} Not. autem 1. quod rescriptum non juvet impetrantem, si contra rescriptum faciat; quia non intelligitur pro eo rescriptum, qui contrarium facit ejus, quod est

scriptum; sic Innocentius c. *mandatum*, 38. *de rescript.* ibi: mandatum Apostolicum ad te directum, ut magistrum S. faceres in Canonicum recipi, & in fratrem Noviensis Ecclesię, si pro alio ibidem non scripsimus, qui hujusmodi gratiam prosequatur, alio jam beneficium per nostras literas obtinente, prosequi non teneris. Cum super receptione duorum gravandi Ecclesiam antedictam non fuit intentio mandatoris. Hinc abutentes rescripto, privantur commodò rescripti; & damnantur ad expensas parti, c. *quia non nulli* 43. *de rescript.* Est autem abusus 1. literas impetratas sub suo nomine, dare alteri ejusdem nominis. 2. trahere illas ad controversias futuras, quæ nondum exortæ fuerant tempore impetrationis. 3. reum trahere sine necessitate ad plures Judices, vel loca æquivoci nominis, &c. ibid. & c. *dispendia*, eod. in 6. *Innocent.* 4.

Not. 2. hanc regulam, quod excommunicatus non posset impetrare rescriptum, extendi etiam ad omne rescriptum justitiae, & gratiarum; Pirhing *de rescript. n. 8.* Nam textus indefinite loquitur, ut constat ex n. 1358. Et quamvis aliqui ve-
^{1362.} lint, hanc regulam extendi ad excommunicatum etiam *non vitandum*; contrarium tamen probabilius est, ex lib. 5. tit. 39. Secundò ad rescriptum ab excommunicato impetrato non modò *per se*, sed etiam *per Procuratorem*, c. fin. *de Procurat.* esto rescriptum sit pro alio, etiam non excommunicato; sic Barbosa in cit. c. 1. n. 10. Sed hoc non videtur sic indefinite dicendum; nam Honorius III. ut habetur cit. c. fin. consuli sumus, inquit, an constitutus ad impetrandum à communitate aliqua procurator, ab impetrando deberet excludi pro eo, quod majores & jurati, per quos eadem communitas regebatur, tempore, quo injunctum fuit procurationis officium, erant excommunicationis sententiæ innodati, & subjungens responsum, ait: taliter respondemus, quod nisi essent in literis procurationis expressi, vel alias eorum autoritate procurationis institutio facta fuisset, aut sciens eos esse tales, ipsa communitas unà cum eis constituisse eundem, non est procurator hujusmodi repellendus. Ex quo textu sequitur, dictum Barbosæ non procedere sic indefinite; sed tantum, cum in man-

dato procuratorio excommunicati sunt expressi, vel scienter admissi, quando Procurator constitutus est Universitatis.

1363. Not. 3. eandem regulam extendi, ut rescriptum ab excommunicato impetratum *in causa individua, cum non excommunicato*, respectu utriusque sit irritum; secus est *in causa dividua, sed non excommunicato*, ignorantे impetrantis excommunicationem: nam quoad causam illius tunc valet; quia *utile per inutile non debet vitiari*, si ab invicem separari possint, reg. 38. de reg. jur. in 6. non autem, si scivit, esse excommunicatum; *Barbosa in cit. c. i. n. 4.*

1364. Not. 4. quod Pontifex scienter rescribens excommunicato, censeatur cum eo dispensare; Zoësius, *de rescript. n. 11. ex L. quoniam 57. ff. de re judic.* quia non videtur Superior, qui tollere potest impedimentum, ludere, conferendō ei munus aliquod, quem scit ad hoc inhabilem. Nam licet Princeps nunquam censeatur remittere vitium ignoratum, c. *se eo tempore, de rescript. in 6.* secus tamen de sibi noto. Episcopus tamen, esto sciat defectum, & nulla facta mentione de illo, conferens, vel promovens habentem talem defectū, non eo ipso dispensat tacitē. Nam Episcopus, *promovens indignum*, punitur, per gloss. c. *unic.* V. *dispensares, de etat. & qualit.* Et ubique canon imponit pœnam Ordinario, illi prohibere censetur dispensationem; Abbas in c. *ad abolendum, de fil. presbyt. n. 3.* V. Corradum l. 1. c. 3. à n. 4. in *Praxi dispens. Apostolic.* intellige, si casus sit extra jurisdictionem ejus.

§. II.

An, & qualiter quis valeat impetrare rescripta pro alio?

1365. Questio est, an quis, *pro alio* saltē, impetrare possit rescripta? Re. negative de rescriptis *justitiae, sine speciali ejus mandato impetratis*; secus enim non valent, c. *nonnulli*, 28. §. *sunt & alij, de rescript.* ibi: *hac generali constitutione sancimus*, ut si aliquis super aliqua quæstione de cætero *sine speciali mandato domini* literas Apostolicas impetrare præsumperit, & literæ illæ non valeant, & ipse tanquam falsarius puniatur. Nisi for-

tè de illis personis extiterit, à quibus non debet exigi de jure mandatum. &c. Ex parte, 33. eod. ubi apertè dicitur, non valere rescriptum, quod Procurator revocatus, & de hoc certificatus, extra judicium impetravit: secus tamen si in judicio: dummodo revocatio ad notitiam adversarij vel Judicis non pervenit; quod verum est, licet is, pro quo impetrata sunt, contra illa nihil excipiat; Immola in cit. c. *nonnulli*, n. 4. ex L. licet, ff. *de Judic.* & L. licet, C. *de Procurat.* nec ea rata habere potest; sic glossa in c. *Nonnulli*, V. *Sine speciali mandato.* Hinc, qui sine speciali mandato domini, à quo de jure exigi debet, impetrat rescriptum ad lites, falsarius est, & rescriptum non valet, c. *Nonnulli*, cit. §. *Sunt & alij.* Et extra judicium impetratum à Procuratore revocato, vel revocationis conscientia; secus, si in judicio, modo revocatio non pervenerit ad notitiam adversarij, vel partis, c. Ex parte, 33. de rescriptis.

Dices: quisque potest ratum habere, 1366. quod suo nomine gestum est, L. licet, ff. *de Judic.* & c. 2. *de pacis.* imò talis ratificatione, fictione juris, retrotrahitur, & mandato æquiparatur, reg. 10 de reg. jur. in 6. Et ideo etiam gesta per falsum Procuratorem, possunt in judicio postea à Domino ratificari, L. *cum minor*, §. *falsus*, ff. *rem ratam haberi*; ergo similiter in casu nostro, is, pro quo sine suo speciali mandato, impetratum est rescriptum, potest illud ratum habere. Re. antecedens verum esse solùm in casu, quo actus nullus ac irritus est ob defectum consensus illius, cuius nomine gestus est, secus si irritus sit propter bonum publicum, & ob defectum jurisdictionis publicæ; sed sic est in casu nostro; ergo.

Cæterum prædicta regula in n. 1365. limitatur. 1. ut non procedat, quando impetrans est ex illis personis, à quibus non debet de jure civili exigi mandatum, c. *Nonnulli*, cit. cuiusmodi sunt personæ conjunctæ, ut liberi, parentes, fratres, affines, liberti, L. *Sed & haec, ff. de Procurat.* quod etiam extendit ad alias personas additæ affectæ impetranti, ut pro alijs, sine suspicione fraudis, in judicio admitti possint; Abbas c. *Nonnulli*, §. *sunt & alij*, n. 10. Limitatur 2. ut non procedat in Procuratore generali, si nomine proprio impe-

tre;